

21 апреля 2020 года

ПАСХА

Светлый Вторник

**Последование утрени
для домашнего (келейного) совершения**

Молѣтвами святѣхъ отѣцъ нашихъ, Господи Иисусе Христе, Боже нашъ, помилуй насъ. **Аминь.**

Тропарь, глас 5:

Христосъ воскресе изъ мертвыхъ, / смертию смерть поправъ / и сущимъ во гробѣхъ живѣтъ даровавъ. Трижды.

Стих 1: Да воскреснетъ Богъ, и расточатся врази Его, / и да бежатъ отъ Лица Его ненавидящии Его.

Христосъ воскресе изъ мертвыхъ, / смертию смерть поправъ / и сущимъ во гробѣхъ живѣтъ даровавъ.

Стих 2: Яко исчезаетъ дымъ, да исчезнутъ, / яко таетъ воскъ отъ лица огня. Христосъ воскресе: единожды.

Христосъ воскресе изъ мертвыхъ, / смертию смерть поправъ / и сущимъ во гробѣхъ живѣтъ даровавъ.

Стих 3: Тако да погibнутъ грѣшницы отъ Лица Божия, / а праведницы да возвеселятся. Христосъ воскресе: единожды.

Христосъ воскресе изъ мертвыхъ, / смертию смерть поправъ / и сущимъ во гробѣхъ живѣтъ даровавъ.

Стих 4: Сей день, егѣже сотвори Господь, / возрадуемся и возвеселимся въ оный. Христосъ воскресе: единожды.

Христосъ воскресе изъ мертвыхъ, / смертию смерть поправъ / и сущимъ во гробѣхъ живѣтъ даровавъ.

Слава Отцу и Сыну и Святому Духу.

Христосъ воскресе изъ мертвыхъ, / смертию смерть поправъ / и сущимъ во гробѣхъ живѣтъ даровавъ.

И ныне и присно и во веки вековъ. Аминь.

Христосъ воскресе изъ мертвыхъ, / смертию смерть поправъ / и сущимъ во гробѣхъ живѣтъ даровавъ.

И паки:

Христос воскрес из мертвых, / смертию смерть поправ / и сущим во гробех живот даровав.

Господи, помилуй, 12.

Слава, и ныне:

КАНОН ПАСХИ

Песнь 1

Ирмос: Воскресения день, просветимся, людие; Пасха, Господня Пасха: от смерти бо к жизни и от земли к Небеси Христос Бог нас преведе, победную поющая.

Припев: Христос воскрес из мертвых.

Очистим чувства, и узрим неприступным светом Воскресения Христа блистающая, и радуйтесь рекуща ясно да услышим, победную поюще.

Христос воскрес из мертвых.

Небеса убо достойно да веселятся, земля же да радуется, да празднует же мир, видимый же весь и невидимый: Христос бо воста, веселие вечное.

Ин канон, Богородичен. Глас тойже.

Творение господина Феофана и господина Иосифа

Слава Отцу и Сыну и Святому Духу.

Умерщвления предел сломила еси, вечную жизнь рождающая Христа, из гроба возсиявшего днесь, Дево всенепорочная, и мир просветившего.

И ныне и присно и во веки веков. Аминь.

Воскресшего видевши Сына Твоего и Бога, радуйся со апостолы, Богоблагодатная Чистая; и еже радуйся, первее, яко всех радости вина, восприяла еси, Богомати всенепорочная.

Катавасия: Воскресения день, просветимся, людие; Пасха, Господня Пасха: от смерти бо к жизни и от земли к Небеси Христос Бог нас преведе, победную поющая.

Песнь 3

Ирмós: Приидите, пиво пиём нóвое, не от кáмене непло́дна чудодéемое, но нетлénия истóчник, из грóба одождívша Христá, в Нёмже утверждáемся.

Христós воскресе из мёртвых.

Ны́не вся испóлнишася свéта, Нéбо же и земл́я, и преиспóдняя: да прáзднует úбо вся тварь востáние Христóво, в Нёмже утверждáется.

Христós воскресе из мёртвых.

Вчера́ спогребóхся Тебé, Христé, совостаю́ днесь воскрéшу Тебé, сраспина́хся Тебé вчера́, Сам мя спрослáви, Спáсе, во Цáрствии Твоём.

Слáва Отцú и Сы́ну и Свято́му Дúху.

На нетлénную жизнь прихождú днесь блáгостию Рóждшагoся из Тебé, Чíстая, и всем концём свет облиста́вшего.

И ны́не и прíсно и во вéки векóв. **Амíнь.**

Бóга, Егóже родилá есí плóтию, из мёртвых, я́коже речé, воста́вша ви́девши, Чíстая, ликúй, и Сегó я́ко Бóга, Пречíстая, возвеличáй.

Катавáсия: Приидите, пиво пиём нóвое, не от кáмене непло́дна чудодéемое, но нетлénия истóчник, из грóба одождívша Христá, в Нёмже утверждáемся.

Та́же:

Христós воскресе из мёртвых, / смёртию смерть попра́в / и сýщим во гробéх живóт дарова́в. **Трижды.**

Гóсподи, помíлуй. **Трижды.**

Слáва, и ны́не:

Ипако́й, глас 4

Предварíвшийя úтро я́же о Марíи, и обрётшия кáмень отвалén от грóба, слы́шаху от А́нгела: во свéте присносýщнем Сýщаго с мёртвыми что и́щете, я́ко челове́ка? Ви́дите грóбныя пелены́, тецýте и мíру проповéдите, я́ко востá Госпóдь, умертвívый смерть; я́ко есть Сын Бóга, спаса́ющаго род челове́ческий.

Песнь 4

Ирмós: На Божéственной стра́жи богоглаго́ливый Авваку́м да ста́нет с на́ми и пока́жет светонóсна А́нгела, я́сно глаго́люща: днесь спасéние мíру, я́ко воскресе Христós, я́ко всесýлен.

Христос воскрес из мёртвых.

Мужеский убо пол, яко развёрзый девственную утробу, явися Христос; яко человек же, Агнец наречёся; непорочен же, яко невкусен скверны, наша Пасха, и яко Бог истинен, совершён речёся.

Христос воскрес из мёртвых.

Яко единоклетный агнец, благословенный нам венец Христос, волею за всех заклан бысть, Пасха очистительная, и паки из гроба красное правды нам возсия Солнце.

Христос воскрес из мёртвых.

Богоотец убо Давид пред сённым ковчегом скакаше играя, людие же Божии святии, образов сбытие зряще, веселимся божественно, яко воскрес Христос, яко всецелен.

Слава Отцу и Сыну и Святому Духу.

Создавший Адама Твоего праотца, Чистая, зиждется от Тебё, и смертное жилище разорит Своею смертию днесь, и озарит вся Божественными блистаниями Воскресения.

И ныне и присно и во веки веков. **Аминь.**

Егоже родила еси Христа, прекрасно из мёртвых возсиявша, Чистая, зрящи, добрая и непорочная в женах и красная, днесь во спасение всех, со апостолы радуешься, Того прославляй.

Катавасия: На Божественной стражи богоглаголивый Аввакум да станет с нами и покажет светоносна Ангела, ясно глаголюща: днесь спасение миру, яко воскрес Христос, яко всецелен.

Песнь 5

Ирмос: Утренюем утреннюю глубокую, и вместо мира песнь принесём Владыце, и Христа узрим, правды Солнце, всем жизнь возсияющая.

Христос воскрес из мёртвых.

Безмерное Твое благоутробие адовыми узами содержиши зряще, к свету идящу, Христё, весёлыми ногами, Пасху хваляще вечную.

Христос воскрес из мёртвых.

Приступим, священоснии, исходящу Христу из гроба яко Жениху, и спразднуим любопытными чинми Пасху Божию спасительную.

Слава Отцу и Сыну и Святому Духу.

Просвещается Божественными лучами и живонóсными Воскресения Сына Твоего, Богомати Пречíстая, и радости исполняется благочестíвых собрание.

И ны́не и прíсно и во ве́ки веко́в. **А**ми́нь.

Не развёрзл еси́ врата́ дéвства в воплощёнии, грóба не разрушил еси́ печатей, Царю́ создáния: отонúдуже воскрéшаго Тя зря́щи, Мати радовашеся.

Катавасия: У́тренюем у́треннюю глубоку́, и вмéсто мíра песнь принесём Влады́це, и Христá узрим, правды Сóлнце, всем жизнь возсия́юща.

Песнь 6

Ирмо́с: Снизшёл еси́ в преиспóдня земли́, и сокрушил еси́ верей вéчныя, содержа́щая связа́нныя, Христé, и триднёвен, я́ко от кíта Ио́на, воскрéсл еси́ от грóба.

Христóс воскрéсе из мёртвых.

Сохрани́в це́ла зна́мения, Христé, воскрéсл еси́ от грóба, ключи́ Дéвы не вредíвый в рождествé Твоём, и отвёрзл еси́ нам ра́йския двéри.

Христóс воскрéсе из мёртвых.

Спа́се мой, живо́е же и неже́ртвенное заколе́ние, я́ко Бог Сам Себе́ волею́ привéд Отцу́, совоскрéсил еси́ всерóднаго Ада́ма, воскрéс от грóба.

Сла́ва Отцу́ и Сы́ну и Свято́му Ду́ху.

Возведéся дрéвле держíмое смéртию и тлéнием, Воплотíвшимся от Твоего́ пречíстаго чрэ́ва, к нетлénней и присносу́щней жи́зни, Богорóдице Дéво.

И ны́не и прíсно и во ве́ки веко́в. **А**ми́нь.

Сни́де в преиспóдня земли́, в ложесна́ Твоя́, Чíстая, Сше́дый и всели́выйся и воплотíвыйся па́че ума́, и воздвíже с Собóю Ада́ма, воскрéс от грóба.

Катавасия: Снизшёл еси́ в преиспóдня земли́, и сокрушил еси́ верей вéчныя, содержа́щая связа́нныя, Христé, и триднёвен, я́ко от кíта Ио́на, воскрéсл еси́ от грóба.

Та́же:

Христóс воскрéсе из мёртвых, / смéртию смерть попра́в / и су́щим во гробéх живо́т дарова́в. **Трижды.**

Господи, помилуй. **Трижды.**

Слава, и ныне:

Кондак, глас 8:

Аще и во гроб снизшел еси, Безсмертне, но адову разрушил еси силу и воскресл еси, яко Победитель, Христэ Бóже, женам миронóсицам вещáвый: радуйтесь, и Твоим апóстолом мир дáруяй, пáдшим подай воскресение.

Икос

Еже прѣжде сóлнца Сóлнце, зашѣдшее иногда во гроб, предварѣша ко úтру ищущия яко дне миронóсицы дѣвы, и другá ко друзѣй вопияху: о другíни, приидите, воня́ми помáжем Тѣло живонóсное и погребѣнное, плоть Воскресѣвшаго пáдшаго Ада́ма, лежащую во грóбе. Идем, потщímся, якоже волсвѣ, и поклонímся, и принесём мíра яко дáры, не в пеленáх, но в плащани́це обвѣтому, и пла́чим, и возопи́м: о Влады́ко, востáни, пáдшим подай воскресение.

Та́же:

Воскресение Христóво вѣдевше, поклонímся Святóму Господу Иисýсу, еди́ному Безгрѣшному. Кресту́ Твоему́ поклоня́емся, Христэ, и свято́е Воскресение Твое́ поём и сла́вим: Ты́ бо еси́ Бог наш, рáзве Тебѣ ино́го не зна́ем, и́мя Твое́ именúем. Приидите, вси вѣрнии, поклонímся святóму Христóву Воскресению: сé бо при́де Крестóм радость все́му мíру. Всегда́ благословя́ще Господа, поём Воскресение Егó: распя́тие бо претерпѣв, смѣртию смерть разруши́. **Трижды.**

Воскрес Иисýс от грóба, якоже проречé, даде́ нам живóт вѣчный и вѣлию мýлость. **Трижды.**

Песнь 7

Ирмós: О́троки от пѣщи избáвивый, быв Человѣк, стра́ждет яко смѣртен, и Стра́стию смѣртное в нетлѣ́ния облачи́т благоле́пие, еди́н благословѣ́н отцѣв Бог и препросла́влен.

Христós воскресе из мѣртвых.

Жены́ с мíры богомýдрыя в след Тебѣ течáху, Егóже яко мѣртва со слезáми иска́ху, поклонíшася раду́ющимся Живóму Бóгу и Пáсху та́йную Твоим, Христэ, ученико́м благовести́ша.

Христós воскресе из мѣртвых.

Смёрти прázднуем умерщвлéние, áдово разрушéние, инóго житиá вéчнаго начáло, и игра́юще поём Винóвнаго, еди́наго благословéннаго отцéв Бóга и препрослáвленнаго.

Христóс воскрéсе из мёртвых.

Я́ко вои́стину свящéнная и всепрázднственная сия́ спаси́тельная но́щь, и светозáрная, светонóснаго дне востáния сýщи провозвéстница: в нéйже безлётный Свет из грóба плóтски всем возсия́.

Слáва Отцý и Сы́ну и Свято́му Дúху.

Умертви́в Сын Твой смерть, Всенепорóчная, днесь, всем смёртным пребыва́ющий живóт во вéки веко́в дарова́, еди́н благословéнный отцéв Бог и препрослáвленный.

И ны́не и прíсно и во вéки веко́в. Амíнь.

Всем ца́рствуяй создáнием, быв Человéк, всели́ся во Твою́, Богоблагодáтная, утрóбу, и распя́тие претерпéв и смерть, воскрéсе боголéпно, совозста́вив нас, я́ко всесýлен.

Катав́asia: О́троки от пéщи избáвивый, быв Человéк, стра́ждет я́ко смёртен, и Стра́стию смёртное в нетлéния облачит́ благолéпие, еди́н благословéн отцéв Бог и препрослáвлен.

Песнь 8

Ирмóс: Сей наречéнный и святýй день, еди́н суббóт царь и госпóдь, прázдников прázдник и торжествó есть торжéств: вóньже благословím Христá во вéки.

Христóс воскрéсе из мёртвых.

Приидíte, нóваго виногрáда рождéния, Божéственного весéлия, в нарóчитом дни Воскресéния, Ца́рствия Христóва приобщímся, пою́ще Егó я́ко Бóга во вéки.

Христóс воскрéсе из мёртвых.

Возведи́ óкрест óчи твои́, Сиóне, и виждь: сé бо приидóша к тебé, я́ко богосвётлая светíла, от зáпада, и сéвера, и мóря, и востóка ча́да тво́я, в тебé благословя́щая Христá во вéки.

Пресвята́я Трóице, Бóже наш, слáва Тебé.

Отче Вседержителю, и Сло́ве, и Дúше, тремí соединя́емое во Ипостáсах Естествó, Пресýщественне и Пребожéственне, в Тя крестíхомся и Тя благословím во вся вéки.

Благословім Отца́ и Сы́на и Свята́го Ду́ха, Го́спода.

Прииде Тобо́ю в мир Госпо́дь, Де́во Богоро́дице, и чре́во а́дово расто́рг, сме́ртным нам воскресе́ние дарова́: те́мже благословім Его́ во ве́ки.

И ны́не и прісно и во ве́ки веко́в. **Ами́нь.**

Всю низложи́в сме́рти держа́ву Сын Твой, Де́во, Сво́им Воскресе́нием, я́ко Бог кре́пкий совознесé нас и обожі́; те́мже воспева́ем Его́ во ве́ки.

Катава́сия: Сей нарече́нный и святы́й день, еди́н суббо́т царь и госпо́дь, пра́здников пра́здник и торже́ство есть торже́ств: во́ньже благословім Христа́ во ве́ки.

Припев:

Вели́чит душа́ моя́ воскресе́шаго тридне́вно от гроба́, Христа́ Жизнода́вца.

Песнь 9

Ирмо́с: Светі́ся, светі́ся, но́вый Иерусали́ме: сла́ва бо Госпо́дня на тебе́ возсія́. Ликуй ны́не и весели́ся, Сио́не. Ты же, Чи́стая, красуйся, Богоро́дице, о воста́нии Рожде́ства Твоего́.

Припевы: Вели́чит душа́ моя́ во́лею страда́вша, и погребё́нна, и воскресе́шаго тридне́вно от гроба́.

Христос но́вая Па́сха, же́ртва жива́я, А́гнец Бо́жий, вземля́й грехи́ ми́ра.

А́нгел вопія́ше Благода́тней: Чи́стая Де́во, ра́дуйся! И па́ки реку́: ра́дуйся! Твой Сын воскре́се тридне́вен от гроба́, и ме́ртвыя воздви́гнувый: лю́дие, весели́тесь.

Возбуді́л еси́, усну́в, ме́ртвыя от ве́ка, ца́рски рыка́вый я́ко от Иу́ды лев.

О Боже́ственнаго, о любезнаго, о сладча́йшаго Твоего́ гла́са! С на́ми бо нелóжно обеща́лся еси́ бы́ти до сконча́ния ве́ка, Христé: Егóже, ве́рнии, утвержде́ние наде́жды иму́ще, раду́емся.

Припевы: Магдали́на Мари́я притече́ ко гробу́, и Христа́ ви́девши, я́ко вертогра́даря вопроша́ше.

А́нгел облиста́яй жена́м вопія́ше: преста́ните от слез, я́ко Христос воскре́се.

Христос воскре́се, смерть попра́вый и ме́ртвыя воздви́гнувый: лю́дие, весели́тесь.

Днесь всяка тварь веселится и радуется, яко Христос воскрес и ад пленяся.

Днесь Владыка пленя а́да, воздвигнувый юзники, яже от века имяше люте одержимыя.

О Пасха велия и священнейшая, Христэ! О мудросте, и Слове Божий, и сіло! Подавай нам истее Тебе причащатися в невечернем дни Царствия Твоего.

Припев: Величит душа моя Триипостаснаго и Нераздельнаго Божества державу.

Согласно, Дево, Тебе блажим вернии: радуйся, двере Господня; радуйся, граде одушевленный; радуйся, Еяже ради нам ныне возсия свет из Тебе рожденного из мертвых Воскресения.

Припев: Радуйся, Дево, радуйся, радуйся, Благословенная, радуйся, Препрославленная: Твой бо Сын воскрес тридневен от гроба.

Веселися и радуйся, Божественная двере Света: зашедый бо Иисус во гроб возсия, просияв солнца светлее и верныя вся озарив, Богорадованная Владычице.

Припев: Величит душа моя воскресшаго тридневно от гроба, Христа Жизнодавца.

Катавасия: Светися, светися, новый Иерусалиме: слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Таже:

Христос воскрес из мертвых, / смертию смерть поправ / и сущим во гробех живот даровав. **Трижды.**

Господи, помилуй. **Трижды.**

Слава, и ныне:

Ексапостиларий:

Плотию уснув, яко мертв, Царю и Господи, тридневен воскресл еси, Адама воздвиг от тли, и упразднив смерть: Пасха нетления, мира спасение. **Трижды.**

ХВАЛІТНЫ

Глас 3:

Всякое дыха́ние да хва́лит Го́спода. Хвалі́те Го́спода с небёс, хвалі́те Егó в вы́шних. Тебе́ подоба́ет песнь Бо́гу. Хвалі́те Егó, вси А́нгели Егó, хвалі́те Егó, вся Сі́лы Егó. Тебе́ подоба́ет песнь Бо́гу.

На 4: Хвалі́те Егó на сі́лах Егó, хвалі́те Егó по мно́жеству вели́чества Егó.

Прииді́те вси язы́цы, уразуме́йте стра́шныя та́йны сі́лу: Христóс бо Спас наш, Ё́же в нача́ле Сло́во, распя́тся нас ра́ди, и во́лею погребё́ся, и воскресе́ из ме́ртвых, ё́же спасти́ вся́ческая: Тому́ поклоні́мся.

Хвалі́те Егó во гла́се тру́бнем, хвалі́те Егó во псалти́ри и гу́слех.

Пове́даша вся чудеса́ стра́жие Твой, Го́споди, но собо́р суе́ты испо́лни мздо́ю десни́цу их, скры́ти мня́ше воскресе́ние Твое́, ё́же мир сла́вит: поми́луй нас.

Хвалі́те Егó в тимпа́не и ли́це, хвалі́те Егó во стру́нах и орга́не.

Ра́дости вся испо́лнишася воскресе́ния иску́с при́ймша: Мари́я бо Магдали́на ко грóбу при́иде, обре́те а́нгела на ка́мени сидя́ща, ри́зами блиста́ющая и глаго́люща: что и́щите жива́го с ме́ртвыми? Несть́ зде, но воста́, я́коже рече́, предва́ря вы в Галиле́и.

Хвалі́те Егó в кимва́лех доброгла́сных, хвалі́те Егó в кимва́лех восклицáния. Всякое дыха́ние да хва́лит Го́спода.

Во све́те Твое́м, Влады́ко, у́зрим свет, Человеколю́бче: воскре́сл бо еси́ из ме́ртвых, Спасе́ние ро́ду челове́ческому да́руя: да Тя вся тварь славосло́вит Еди́наго Безгре́шного, поми́луй нас.

Стихиры Пасхи, глас 5:

Стих: Да воскре́снет Бог, и расточа́тся врази́ Егó.

Па́сха свяще́нная нам днесь показáся: Па́сха но́ва свята́я, Па́сха та́инственная, Па́сха всечестна́я, Па́сха, Христóс Изба́витель, Па́сха непоро́чная, Па́сха вели́кая, Па́сха ве́рных, Па́сха, двéри ра́йския нам отверза́ющая, Па́сха, всех освяща́ющая ве́рных.

Стих: Я́ко исчеза́ет дым, да исче́знут.

Прииді́те от видéния, жены́ благове́стницы, и Сиóну рцы́те: приими́ от нас ра́дости благове́щения Воскресе́ния Христóва; красуй́ся, ликуй́ и раду́йся, Иерусали́ме, Царя́ Христá узрэв, из грóба, я́ко Жени́ха, происхо́дяща.

Стих: Та́ко да поги́бнут грѣшницы от лица́ Божия, а пра́ведницы да возвеселя́тся.

Миронóсицы жены́, ўтру глубоку́, предста́вша грóбу Живода́вца, обрето́ша Ангела, на ка́мени седя́ща, и той, провеща́в им, сїце глаго́лаше: что и́щите Жива́го с ме́ртвыми? Что пла́чете Нетле́ннаго во тли? Ше́дше, пропове́дите ученико́м Его́.

Стих: Сей день, егóже сотвори́ Господь, возра́дуемся и возвесели́мся вонь.

Па́сха красная, Па́сха, Господня́ Па́сха, Па́сха всечестна́я нам возсия́. Па́сха, ра́достью друг дру́га обы́мем. О Па́сха! Избавле́ние ско́рби, и́бо из грóба днесь, я́ко от черто́га возсия́в, Христо́с жены́ ра́дости испо́лни, глаго́ля: пропове́дите апо́столом.

Сла́ва, и ны́не:

Воскресе́ния день, и просвети́мся торже́ством, и друг дру́га обы́мем; рцем: бра́тие, и ненави́дящим нас прости́м вся Воскресе́нием, и та́ко возопи́м: Христо́с воскре́се из ме́ртвых, сме́ртию смерть попра́в и су́щим во гробѣх живо́т дарова́в.

Та́же:

Христо́с воскре́се из ме́ртвых, сме́ртию смерть попра́в и су́щим во гробѣх живо́т дарова́в. Трижды.

Утверди́, Бо́же, святу́ю правосла́вную ве́ру правосла́вных христиа́н во век ве́ка.

Христо́с воскре́се из ме́ртвых, сме́ртию смерть попра́в и су́щим во гробѣх живо́т дарова́в. Трижды.

Отпу́ст

Христé, воскресый из ме́ртвых, сме́ртию смерть попра́вый и су́щим во гробѣх живо́т дарова́вый, и́стинный Бо́же наш, моли́твами Пречи́стыя Твоея́ Ма́тере и всех святы́х, поми́луй и спаси́ нас, я́ко Благ и Человеколю́бец. Аминь.

Христос Воскресе! Воистину Воскресе!

Христо́с воскре́се из ме́ртвых, сме́ртию смерть попра́в и су́щим во гробѣх живо́т дарова́в. Трижды.

И нам дарова́ живо́т ве́чный, покланя́емся Его́ тридне́вному Воскресе́нию.

Вели́каго господи́на и отца́ на́шего Кири́лла, / Святéйшаго Патриа́рха Моско́вскаго и всея́ Руси́, / и господи́на на́шего высокопреосвяще́ннейшаго

імярек, / митрополіта [или́: архіепі́скапа; или́: преосвяще́ннейшаго
імярек, епі́скапа] [его́же есть о́бласть], / настоя́теля, бра́тию и прихо́жан
свята́го хра́ма на́шего, / домоча́дцы на́ша и вся правосла́вныя христиа́ны, /
Го́споди, сохрани́ их на мно́гая ле́та.